

تاریخ عثمانی انجمنی

مجموعہ سی

ایک آیدہ بر نشر اولنور. تاریخ عثمانیہ عائد مقالاتہ صحیفہ لرمن آچقندر. درج
ایدلیان مقالات صاحبہ اعادہ اولنہ بیلور.

برنامه امپراطوریدہ قدس قرالنی ومالطہ شوالیہ لری
باشبوغلنی القاب رسمیه لرینک حکومت سنہ جانتندن { عبدالرحمن شرف
اعتراضہ اوغرادیفنہ دائر وثائق
علمدار مصطفی پاشا (مابعد) افضل الدین
مورہ لی السید علی افندیکنک سفارتنامہ سی ***
احمد ثالث دورینہ دائر مادام مونته کونک مکتوبلری . احمد رفیق
طاشوز تاریخچہ سی موسی کاظم
خبرہ سی باشی احمد پاشا (بونوال) عارف
متنوعہ : سلیمان قانونینک وصیتنامہ سی - مراد ثالثک مہری عثمان فرید
تفرقہ : استانبول فتحنامہ سی (مؤلفی تاجی زادہ جعفر چلبی) ***

فیثائی ۵ غروش

مرجمی — باب عالی تاریخ عثمانی انجمنی

ایونہ قیدی ایچون انجمنہ مراجعت اولنور

انجمن عثمانیہ

مطبعہ عثمانیہ

۱۳۳۱

متنوعه

سليمان قانوني نك وصيتنامه سى - مراد ثالث مھري

صدارت تحريرات مديرى سعيد بك افندى حضرتلى عاجز لرينه لطفاً جسيم بر مجموعه اعاره بيورديلر . مجموعه مرتب و ملنقظنك هجرتك اوتنجى عصرى نصف اخيريله اون برنجى دورى ربع اولنده ياشامش « رمزى زاده حافظ محمد » نامنده بر ذات اولدينى و باب دفترى [ماليه نظارتى] دن نشأت ايله روم ايلي جهتلرنده بعض مال مأموريتلرنده بولندينى مطالعه سندن آكلاشيلبور . كنديسنك زمانى طرزنده منشيانه قلمه آلنمش بعض مكاتيبى و حافظ مخلصيله بر قاج نظمى ده مجموعه ده مندرجدر . مجموعه تاريخه عائد منظوم و منثور بك قيمتدار معلوماتى حاوى اولوب بونلك اكثرى رمزى زاده نك يشاديني زمانه عائد مشاهير رجال دولت و سائر نك آثاريدر . اعاره واقعه دن طولايى سعيد بك افندى يه علناً تشكرله مندرجاتندن شمدبك ايكي مهم پارچه يي عيناً آتى يه نقل ايدييورز .

عثمان فرید

وصيت نامه مرحوم سلطان سليمان خان

جنت مكان فردوس اشيان مرحوم و مقفور سلطان سليمان خان حضرتلرينك وصيت نامه سيدركه سنه ثلث و سبعين تسعاً تاريخنده واقع اولان شهر شوالك طقوزنجى كوني [۱] سيكتوار سفرينه عزيمت بيوردقلرنده خزينه معصوره ده كندو [۱] سلطان سليمان قانونى حضرتلرينك اون دردنجمى و صوك سفرلى اولان سيكتواره متوجهاً استانبولدن حركتلى ۹۷۳ سنه سى شوالك اون برنده واقع اولغله وصيت نامه نك بوندن ايكي كون اول قلمه آلندينى آكلاشيلبور .

خط شریف لریله یازوب قودقلری وصیت نامه درکه عینی ابله نسخه دن نقل اولمشدرکه ذکر اولنور .

بم جانم دن سوکلو ایکی کوزم نوری سلیم خانم یوایکی بازوبندی و بر جوهری ال صندوغی وقف ایلشم در ایکی جهان فخری محمد رسول الله حضرتلرینک صلی الله علیه وسلم روح شریف لری ایچون درکه بونلری صاتوب جدۀ معمره به صوکتوره سن اوغوللق ایدوب بووصیتی برینه کتوره سن جمله اغالرکه سرای ده در و جمله اوده اوغللری شاهد در سن بم یازوی بیلورسن بو اسباب فخر عالم حضرتلرینکدر بم دکلددر کوره ین سنی نیجه برینه قورسن دنیا کمنه به باقی و یایدار دکلددر امیددرکه بهاسیله صانه سز حق تعالی بوسفری مبارک ایدوب کوکل خوشلوغیله کیرو کلمک میسر ایده رسول حرمتته علیه السلام [۱]

۹ شوال ۹۷۳

سلطان مراد خان ثالثک مهری

سعادتلو پادشاه عالم پناه خلعت خلافت حضرتلرینک جلوس مایون لری ایچون حسن جان افندی مرحومک فرزند ارجمندی یعنی خواجه افندی حضرتلری [۲] سویله کلری تاریخ و بیت که احمد بک نام مهرکن لعل چاتم اوزرینه حک ایدوب نقش آتمشدر خاتمک چوره یاننه بیت واورته بیرینه تاریخ نقش واقع اولمشدر .

بیت

رب ارشدنی الی نهج السداد افتح اللهم ابواب المراد

(تاریخ مزبور)

مراد خان ایده الله

۹۸۲

سنه

- [۱] سلطان سلیم ثانی طرفندن بر موجب وصیت پدر جدیهه صو اساله ایدله بکنه دائر برقیده دسترس اولنه مدی .
- [۲] تاج التواریخ صاحبی شیخ الاسلام عبدالدین افندی در .